

Bosna i Hercegovina
Federacija Bosne i Hercegovine
Zeničko-dobojski kanton



OPĆINA KAKANJ
Zavod za planiranje i izgradnju
Općine Kakanj

Broj: 01/2-04-856/26
Datum: 24.03.2026. godine

25. 03. 2026.			
Opis	Broj	Delo	Vrijednost
03/1	153	126	

Stručna služba Općinskog vijeća Kakanj

Predmet: Odgovor na Vijećničku inicijativu, dostavlja se

Zavodu za planiranje i izgradnju Općine Kakanj dostavljena je vijećnička inicijativa broj 01/1-15-76/26 od 26.02.2026. godine, vijećnik Dževdet Huskić (NS) je uputio sljedeću vijećničku inicijativu:

„Da se izvrši obilazak saobraćajnica i izvrši makar privremeno saniranje novonastalih udarnih rupa koje su se pojavile nakon obilnih snježnih padavina u proteklom periodu.

Naime, nakon završetka zimskog perioda primjetne su novonastale udarne rupe na saobraćajnicama nastale nakon snježnih padavina tokom zime. Iz tog razloga predlažem da izvršite obilazak puteva i naložite makar privremeno saniranje najopasnijih oštećenih lokacija. U samom gradu ih je nekoliko, a postoje i van gradske zone.“

Odgovor:

U vezi s dostavljenom vijećničkom inicijativom, inicijativa broj 01/1-15-76/26 od 26.02.2026. godine koja se odnosi na obilazak saobraćajnica i izvrši privremeno saniranje novonastalih udarnih rupa koje su se pojavile nakon obilnih snježnih padavina u proteklom periodu, Zavod za planiranje i izgradnju Općine Kakanj daje sljedeći odgovor:

Zavod za planiranje i izgradnju općine Kakanj je upoznat sa problematikom oštećenja kolovoza nastalih usljed zimskih uvjeta i intenzivnih snježnih padavina. U skladu s tim, izvršen je obilazak prioriternih saobraćajnica na području općine, s ciljem evidentiranja kritičnih lokacija.

Nakon izvršenog obilaska, pristupit će se privremenoj sanaciji najugroženijih dionica, u skladu sa raspoloživim budžetskim sredstvima i vremenskim uslovima. Također, planirano je da se trajna sanacija izvrši kroz redovne programe održavanja puteva.

Napominjemo da će prioritet imati lokacije koje predstavljaju najveći rizik za sigurnost saobraćaja.

DOSTAVITI:

1 x naslovu

1 x a/a



DIREKTOR

Izudin Puščul



OPĆINA KAKANJ

Stručna služba za poslove Općinskog načelnika
Odsjek za inspekcije

MUNICIPALITY OF KAKANJ

Mayor's Office
Department for Inspections

Broj: 02/10-268/26
Datum: 17.03.2026. godine

**OPĆINA KAKANJ
OPĆINSKO VIJEĆE**

Dostaviti putem:
Stručne službe za poslove Općinskog vijeća

Predmet: Odgovor na Vijećničku inicijativu, dostavlja se
Veza, Vaš akt broj: 01/1-15-78/26 od 26.02.2026. godine,

Bosna i Hercegovina
FEDERACIJA BOSNE I HERCEGOVINE
ZENICKO - DOBOJSKI KANTON
OPĆINA KAKANJ
STRUČNA SLUŽBA ZA POSLOVE OPĆINSKOG VIJEĆA
K A K A N J

Prilazeno:	Org. jed.	Broj	Prilog	Vrijednost
19.03.2026.	0311	- 144	126	

Na 15. sjednici Općinskog vijeća održanoj 26.02.2026. godine, vijećnik Armin Bašić pokrenuo je Vijećničku inicijativu u vezi sa obavljanjem inspeksijskog nadzora izgrađenog puta na dionici „Vidikovac-Hurije“ mjesto Trijepče uz dodatna obrazloženja za pokretanje vijećničke inicijative.

U vezi sa zahtjevom iz predmetne inicijative obavještavamo Vas da je Odsjek za inspekcije više puta vršio inspeksijski nadzor na predmetnoj lokaciji, te po potrebi poduzimao potrebne mjere u djelokrugu svojih nadležnosti.

Obzirom da su se predmetni radovi vršili po nalogu Zavoda za planiranje i izgradnju općine Kakanj ovaj organ je predmetnu inicijativu dostavio tom subjektu na dalje postupanje.

S poštovanjem!

Dostavljeno:
1x Naslov
1x a/a



ŠEF ODSJEKA ZA INSPEKCIJE

Amir Dedić



Broj: 08-02-09/2-03-1-2311-1/26.ČD
Datum: 11.03.2026. godine.

OPĆINA KAKANJ
OPĆINSKO VIJEĆE
Ul. Branilaca br.1, Kakanj

Primljeno: 17-03-2026

Org. jed.	Kl. oznaka	Broj	F. broj

PREDMET: Odgovor na vijećničku inicijativu, d o s t a v l j a s e.-

VEZA: Akt Općine Kakanj, Općinsko vijeće Kakanj broj: 01/1-15-70/26 od 26.02.2026. godine.

Dana 10.03.2026. godine Policijska stanica Kakanj je zaprimila vaš akt broj i datum veze, vijećničku inicijativu "Za uvođenje noćnih obilazaka određene lokacije u MZ Varda", koju je podnio vijećnik Općinskog vijeća Hamza Vahid El-Din, a kojom se apeluje da Policijska stanica Kakanj u okviru svojih mogućnosti organizuje noćne obilaske navedene lokacije, kako bi procijenili situaciju, te eventualno poduzeli potrebne aktivnosti.

S tim u vezi, obavještavamo vas da Policijska stanica Kakanj u okviru svojih redovnih aktivnosti kontinuirano vrši obilazak uže gradske jezgre, kao i drugih lokacija na području općine Kakanj, uključujući i područje mjesne zajednice Varda. U skladu sa planom rada i rasporedom službe, policijski službenici vrše obilazak Šehidske česme (na raskrsnici), igrališta, ulaza u greblje MZ Varda i u toku noćnih sati, s ciljem održavanja povoljnog stanja sigurnosti i preventivnog djelovanja na eventualne pojave narušavanja javnog reda i mira ili drugih protivpravnih radnji.

Također, policijski službenici Policijske stanice Kakanj su u proteklom periodu prilikom redovnog obilaska mjesta Varda na lokacijama navedenim u vašoj inicijativi zatekli određena lica u izvršenju krivičnog djela "Posjedovanje i omogućavanje uživanja opojnih droga" i radnji kojima se narušava javni red i mir, poput uživanja opojnih droga na javnom mjestu, konzumiranje alkohola na javnom mjestu i sl., nakon čega su zatečena lica procesuirana i sankcionisana u skladu sa važećim zakonskim propisima.

Policijski službenici Policijske stanice Kakanj će u narednom periodu kroz redovne aktivnosti, u skladu sa raspoloživim ljudskim resursima, vršiti preventivni obilazak mjesne zajednice Varda, te će prema licima koja se zateknu da vrše krivična djela ili čine prekršaje, preduzimati zakonom predviđene mjere i radnje.


Bosna i Hercegovina
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA KAKANJ
STRUČNA SLUŽBA ZA POSLOVE OPĆINSKOG VIJEĆA
KAKANJ

Primljeno: 17.03.2026.

Org. jed.	Broj	Prilog	Vrijednost
03/1	139	126	



KOMANDIR
Viši inspektor
Kenan Zaimović



OPĆINA KAKANJ
Zavod za planiranje i izgradnju

Općine: Kakanj
Bosna i Hercegovina
Federacija Bosne i Hercegovine
Zeničko-dobojski kanton
Općina Kakanj
Stacionarna jedinica za poslovne i općinske poslove
KAKANJ

Primljeno:	16.03.2026		
Općina	Općina	Općina	Općina
0311-137	126		

Broj: 0311-137/26
Datum: 16.03.2026god.

OPĆINA KAKANJ

Općinsko vijeće

PREDMET: Odgovor na vijećničku inicijativu – dostavlja se

Na 15.sjednici Općinskog vijeća održanoj 26.02.2026 godine, vijećnica Vinka Aletović (SDP) je pokrenula slijedeću **VIJEĆNIČKU INICIJATIVU**:

„Za unapređenje i sanaciju javne rasvjete u naseljima Modrinje i Sopotnica. Na osnovu ukazanih problema od strane mještana naselja Modrinje i Sopotnica, podnosim ovu inicijativu za hitno sagledavanje stanja i sanaciju javne rasvjete u navedenim naseljima. Naime, prilikom postavljanja rasvjetnih tijela u naseljima Modrinje i Sopotnica došlo je do određenih propusta, te su na pojedinim lokacijama kablovi ostali obješeni i nalaze se neposredno iznad ili blizu tla. Ovakvo stanje predstavlja ozbiljnu opasnost za sigurnost mještana, posebno djece, starijih osoba, kao i učesnike u saobraćaju. Postoji realan rizik od povreda, oštećenja imovine, ali i potencijalne opasnosti od strujnog udara. Uz to predlažem da se u saradnji sa mještanima, poveća broj stubova na pojedinim dionicama.

Zbog navedenog predlažem da se:

- Hitno izvrši terenski uvid u naseljima Modrinje i Sopotnica;
- Izvrši sanacija svih spornih mjesta na kojima su kablovi nepropisno postavljeni;
- Kompletira rasvjetu sa dodatnim stubovima;
- Osigura da se kompletna instalacija javne rasvjete dovede u tehnički ispravno i sigurno; stanje u skladu sa važećim standardima i propisima;

Odgovor:

Zavod za planiranje i izgradnju općine Kakanj zaprimio je ovu inicijativu od uvežene vijećnice. Na teren su odmah izašli predstavnici Zavoda za planiranje i izgradnju i izvršili obilazak spomenutih naselja na koje se odnosi vijećnička inicijativa te Vas obavještavamo o činjeničnom stanju. Na terenu postoji nekoliko mjesta na kojima je visina kablova sporna, te ćemo otvoriti nalog izvođaču radova da se to riješi, rasvjeta u spomenutim naseljima je urađena po projektnoj dokumentaciji i koja je kao takva bila tretirana komisijskim pregledom, tako da svako dodatno postavljanje rasvjetnih tijela sa stubovima može ugroziti normalno funkcionisanje rasvjete u navedenim naseljima jer to ograničava jačina priključka koja je

odobrena od strane Elektrodistribucije Zenica a što je tretirano projektnim zadatkom i projektnom dokumentacijom.

Također, otvorit ćemo nalog izvođaču radova da se izvrši detaljan pregled rasvjetnih tijela u ova dva naselja i o tome se naknadno opredjelit tj. uslovima i načinu rješavanja potencijalnih problema na rasvjeti.


Dostavljeno:

1x Naslovu

1x a/a



DIREKTOR


Izudin Puščul

Broj: 1723-5/26
Kakanj, 11.03.2026. godine

OPĆINA KAKANJ
Stručna služba za poslove Općinskog vijeća

P R E D M E T: Odgovor na vijećničko pitanje (Huskić Dževdet NS)

U vezi sa vijećničkim pitanjem vijećnika Dževdeta Huskića postavljenim na 15. sjednici Općinskog vijeća Kakanj održanoj dana 26.02.2026. godine, koje se odnosi na stavku „Prethodni dug“ na računima JP „Vodokom“ d.o.o. Kakanj, kao i značenje skraćenice DPO, dostavljamo sljedeće pojašnjenje.

Skraćenica DPO na računu predstavlja oznaku za dospjela potraživanja – obaveze, odnosno iznos dospjelog dugovanja korisnika za komunalne usluge iz ranijeg perioda.

Račun koji JP „Vodokom“ d.o.o. Kakanj ispostavlja korisnicima odnosi se na tačno određeni obračunski period. Na primjeru računa korisnika Huskić Dževdeta vidljivo je da se račun odnosi na period od 01.02. do 28.02.2026. godine, te iznosi 28,34 KM za pružene komunalne usluge u navedenom obračunskom periodu.

Međutim, navedeni korisnik ima dug koji je nastao prije obračunskog perioda na koji se odnosi ispostavljeni račun, odnosno dug koji je postojao na dan 01.02.2026. godine u iznosu od 79,12 KM. Taj iznos predstavlja dugovanje iz ranijeg perioda i kao takav mora biti evidentiran na računu kako bi korisnik imao jasan uvid u svoje ukupno stanje obaveza.

Iz tog razloga na računima JP „Vodokom“ d.o.o. Kakanj jasno su razdvojene dvije stavke:

- iznos računa za tekući obračunski period, odnosno mjesečni račun za pružene komunalne usluge (voda i odvoz otpada), i
- iznos prethodnog duga, koji predstavlja dugovanje korisnika nastalo prije obračunskog perioda na koji se odnosi ispostavljeni račun.

Navedeno je jasno vidljivo i na dokumentu „Izvod iz poslovnih knjiga – stanje dugovanja potrošača“, iz kojeg se može utvrditi da korisnik Huskić Dževdet uredno vrši uplatu iznosa tekućeg mjesečnog računa koji mu se ispostavlja, ali ne izmiruje ukupno dugovanje iz ranijeg perioda. Zbog toga iznos prethodnog duga ostaje evidentiran na računu, odnosno predstavlja dugovanje koje je postojalo prije ispostavljanja tekućeg računa.

U prilogu dostavljamo:

1x Račun broj: 2026-24721/1 od 28.02.2026. godine

1x Izvod iz poslovne knjige – stanje dugovanja potrošača na dan 09.03.2026. godine

S poštovanjem,

DIREKTOR:

Mr. sci. Avdispahić Ishak, dipl. e.c.c.

Dostavljeno:

1x Naslovu

1x Pravna služba



JAVNO PREDUZEĆE
Energokom
d.o.o. KAKANJ

72240 KAKANJ - A, Izetbegovića 117

telefon/fax ++387(0) 32/554-937

telefon/fax ++387(0) 32/554-838

e-mail: info@energokom.ba

www.energokom.ba

Općinski sud Zenica, vijećne oči u vrijeme podizanja

Broj rješenja: 043-0-Reg-25-00123

Registracioni broj subjekta: 15-59

Identifikacioni broj: 4218172870007

Identifikacioni broj: 05280068 (PD) broj: 218172870007

Transakcijski računi: 134 020 000000 4674 ASA banka DD Sarajevo

161 065 000081 0074 Raiffeisen bank DD Sarajevo

Broj 693 /26
Datum 12.03.2026.godine

Općina Kakanj
Općinsko vijeće
Stručna služba za poslove općinskog vijeća

Predmet: Odgovor na vijećničku inicijativu vijećnika Bećirhodžić Adema


Poštovani,

Zahvaljujemo se na upitu i pokazanom interesu za razvoj daljinskog grijanja u Kaknju. JP 'Energokom' d.o.o. Kakanj je tokom 2021 godine implemetirao izradu projektne dokumentacije 'Idejni projekat toplifikacije prigradskih naselja u Kaknju: Varda, Plandište, Mile, dijelovi naselja Bare, ulica ZOP-a, dijelovi MZ Kakanj II, Zgošća, Slijevnice, Željeznička stanica, Bičer i Pope'. Ovom projektom je obuhvaćena ulica Paše Kubata ali nisu obrađena naselja Čobe, Demiri i Bukovlje. Ovakav obuhvat naselja je definisan studijom pod nazivom "Smanjenje specifične potrošnje primarne energije povećanjem kogeneracije TE Kakanj" urađene 2012 godine a koju je finansirala JP 'Elektroprivreda BIH' d.d. Sarajevo.


Za toplifikaciju naselja koja nisu obuhvaćena navedenim Idejnim projektom potrebno bi bilo uraditi detaljnu analizu tehno-ekonomskih faktora toplifikacije navedenih naselja. Također je važno je znati da je magistralni vrelovod od TE Kakanj do grada Kaknja iskorišten u punom kapacitetu te da nema mogućnosti za ozbiljnija proširenja sve dok se ne izvrši njegova zamjena sa cjevovodom većeg prečnika. Vjerujemo da ćete sa pozicije općinskog vijećnika učiniti maksimalne napore da se osigura finansiranje projekta rekonstrukcije magistralnog vrelovoda kao preduslova za daljnja proširenja.

Srdačan pozdrav!

Služba za tehničku pripremu i razvoj


mr.sci. Bajrić Senad, dipl.ing.maš.

Direktor


Čelebić Muamer, dipl.oec.

OPĆINSKO VIJEĆE
KAKANJ

13. 3. 2026.

Prethodno	Broj	Datum	Opis
03/11	131/26		



OPĆINA KAKANJ

Služba za privredu, urbanizam
i zaštitu okoline


MUNICIPALITY OF KAKANJ

Department of Economy, Urban Land-Use
Planning and Environment

Broj: 04/1-342 /26

Datum: 11.03.2026. godine

STRUČNA SLUŽBA ZA POSLOVE
OPĆINSKOG VIJEĆA
-ovdje-



PREDMET: **Odgovor na vijećničku inicijativu, dostavlja se** 03/1-133 /26

Poštovani,

Službi za privredu, urbanizam i zaštitu okoline dostavili ste vijećničku inicijativu broj: 01/1-15-71/26 od 26.02.2026. godine, pokrenutu od strane vijećnika Hamza Vahid El-Din (SDA) na 15. sjednici Općinskog vijeća održanoj 26.02.2026. godine:

„Za postavljanje usporivača brzine kod stambene zgrade Ušće.“

U vezi s navedenom vijećničkom inicijativom obavještavamo Vas da je na navedenoj lokaciji ranije bio postavljen usporivač brzine. Međutim, zbog nastupanja zimske sezone i potrebe za nesmetanim zimskim održavanjem kolovoza, Zavod za planiranje i izgradnju Općine Kakanj, koji je zadužen za održavanje javnih cesta, izvršio je njegovo uklanjanje, s obzirom na to da se radi o usporivačima brzine koji nisu fiksno postavljeni.

Nakon završetka zimske sezone izvršit će se ponovno postavljanje usporivača brzine na svim lokacijama na kojima su isti ranije bili postavljeni, uključujući i predmetnu lokaciju.

S poštovanjem,

Dostaviti:

- 1x Naslovu,
- 1x Odsjek za lokalni ekonomski razvoj,
- 1x a/a.



POMOĆNIK
OPĆINSKOG NAČELNIKA

Mirza Fazlić




OPĆINA KAKANJ

Služba za privredu, urbanizam
i zaštitu okoline

MUNICIPALITY OF KAKANJ

Department of Economy, Urban Land-Use
Planning and Environment

Broj: 04/1- 347 /26
Datum: 11.03.2026. godine



STRUČNA SLUŽBA ZA POSLOVE
OPĆINSKOG VIJEĆA
-ovdje-

PREDMET: Odgovor na vijećničku inicijativu, dostavlja se

Poštovani,

Službi za privredu, urbanizam i zaštitu okoline dostavili ste vijećničku inicijativu broj: 01/1-15-77/26 od 26.02.2026. godine, pokrenutu od strane vijećnika Armin Bašić (DF) na 15. sjednici Općinskog vijeća održanoj 26.02.2026. godine:

„Za postavljanje saobraćajne signalizacije i to znak „obavezan smjer desno“ na izlazu iz parkinga „ADS marketa“ prema kružnom toku i istog znaka na izlazu sa parkinga gradske džamije.“

U vezi s navedenom vijećničkom inicijativom obavještavamo Vas da odgovorni projektant saobraćajnim projektom gradskih saobraćajnica u užem gradskom jezgru iz 2019. godine nije predvidio postavljanje navedene saobraćajne signalizacije.

Postavljanje tražene saobraćajne signalizacije moguće je izvršiti tek nakon izmjena i dopuna predmetnog saobraćajnog projekta, u skladu sa odredbama Zakona o cestama Federacije Bosne i Hercegovine.

Nakon pokretanja izmjena i dopuna saobraćajnog projekta, u slučaju da projektant utvrdi opravdanost zahtjeva, isti će biti postavljeni u skladu sa saobraćajnim projektom.

S poštovanjem,

Dostaviti:

- 1x Naslovu,
- 1x Odsjek za lokalni ekonomski razvoj,
- 1x a/a.



POMOĆNIK
OPĆINSKOG NAČELNIKA
Mirza Fazlić
Mirza Fazlić



OPĆINA KAKANJ

Stručna služba za poslove Općinskog načelnika
Odsjek za inspekcije

MUNICIPALITY OF KAKANJ

Mayor's Office
Department for Inspections

Broj: 02/10-269/26
Datum: 11.03.2026. godine

OPĆINA KAKANJ
OPĆINSKO VIJEĆE

Dostaviti putem:

Stručne službe za poslove Općinskog vijeća

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
STRUČNA SLUŽBA ZA POSLOVE OPĆINSKOG VIJEĆA
K A K A N J

Prilježeno:	12.03.2026.		
Opć. ured.	Služ.	Redov.	Vrij. žnost
0311	-130	126	

Predmet: Odgovor na Vijećničku inicijativu, dostavlja se
Veza, Vaš akt broj: 01/1-15-75/26 od 26.02.2026. godine,

Na 15. sjednici Općinskog vijeća održanoj 26.02.2026. godine, vijećnik Dževdet Huskić pokrenuo je Vijećničku inicijativu u vezi sa hitnim obavljanjem inspeksijskog nadzora platoa pored solitera 3, uz dodatna obrazloženja za pokretanje vijećničke inicijative.

U vezi sa zahtjevom iz predmetne inicijative koji se odnosi na upotrebu platoa suprotno njegovoj namjeni obavještavamo Vas da se kod građevinske inspekcije Općine Kakanj vodi postupak inspeksijskog nadzora. Poduzete su upravne i represivne mjere, a svi etažni vlasnici su upoznati sa postupkom koji se trenutno nalazi u fazi rješavanja pred Kantonalnim sudom u Zenici, njegov nastavak zavisi od dalje odluke nadležnog suda.

U vezi sa zahtjevom iz predmetne inicijative koji se odnosi na utvrđivanje stabilnosti i sigurnosti platoa koji je istovremeno i krov podzemnih garaža ističemo slijedeće:

Pored pokrenutog postupka od strane nadležne inspekcije, etažni vlasnici u skladu sa Zakonom o korištenju, upravljanju i održavanju zajedničkih dijelova i uređaja zgrade („Sl. novine Ze-do kantona“ br. 4/16) upoznati su da je u smislu člana 4., 5. i 9. predmetni plato zajednički konstrukcioni i ostali dio zgrade te da je članom 10. stav 1. navedenog Zakona predviđeno da etažni vlasnici između ostalog imaju obavezu održavanja i upravljanja svim zajedničkim dijelovima i uređajima zgrade.

Analogno navedenom, ukoliko vlasnici smatraju da trpe štetu na bilo kojem zajedničkom dijelu, koja se mora utvrditi vještačenjem od strane ovlaštenih vještaka odgovarajuće struke, dužni su da shodno odredbi člana 21. stav 2. Zakona o korištenju, upravljanju i održavanju zajedničkih dijelova i uređaja zgrade Ze-do kantona i članu 156. stav 1. i 2. Zakona o obligacionim odnosima Federacije Bosne i Hercegovine („Sl. novine FBiH“, br. 13/94) pokrenu postupak ishodovanja privremenih mjera osiguranja i postupak za naknadu štete pred Općinskim sudom u Kakanju.

Radi lakšeg razumijevanja naprijed navedenog navodimo Vam i primjer iz sudske prakse:

„Štetnik je, osim naknade štete odnosno uspostavljanja prijašnjeg stanja (čl. 185. ZOO), u obvezi izvesti i radove kojima se uklanja opasnost od štete (čl. 156. ZOO) koja je nastala zbog njegove štetne radnje.“
(Informator, broj 4299)

S poštovanjem!

Dostavljeno:

1x Naslov

1x a/a

